



Rian Um Tuning Le Covo Na Ngeihmi Hna



Riantuannak ah zeibantuk dah naa ruahchan khawh



Australia ah rian na ngeih tik le riantuannak i na kal tikah covo na ngei.




Na covo nih hihi an hmuhter lai:

- na tuahmi rian caah nihlawh tha tein pek na si lai



- suimilam na tuan zat ning in hlawh pek na si lai



- na hmuh awk a simi tangka pekmi asilole a hlei in peekmi tangka
 - tuan tawnmi nak in suimilam tam deuh tuanmi caah caanhlei tuanman
 - dantatnak lei rikhihmi zat – zarhte le zarhpi ni asilole zapi dinhni (zungkhar ni) pawl i riantuanmi caah nihlawh a sang deuh



- na herh ahcun zawtnak lei khonh lak khawh a si



- a himmi hmun ah riantuan a si



Riantuantu pawl funtomnak bu ah i pehtlaih khawhnak nawl na ngei ve.



Riantuannak lei funtomnak bu cu aa khatmi rian a
tuanmi minung pawl kha a zohkhenhtu bu pakhat a si.



Na covo zeidah an si ti na hngalhnak dingah an
bawm kho tu minung an um:

- rian na tuanpiakmi bawi



- nangmah an ko-au tu



- na kong a tawltreltu




Na umnak ramkulh cungah hngat in aa dangmi covo
na ngei kho.

Rian umtuning pawl

Rian pawl cu sining a phunphun tampi a ngei kho.

Na rian cu a hmunmi a si ahcun a hlei in hi pawl hi na hmuh lai:



- dam lonak khonh
- zungkhar ni ah tangka pek

Riantuan caan tialnak catlap		
9:00am	5:00pm	=\$\$\$
9:00am	5:00pm	=\$\$\$
9:00am	1:00pm	=\$\$

Na rian cu caantawi ca lawng a si ahcun na tuanmi suimilam zat ca lawng pek na si lai.



Hiti hin na tuan khawh men:

- caan tling – nifatin



- caan cheuchum – ni cheukhat pawl

9:00am – 5:00pm



- riantuan caan – zingka suimilam 9am in zanlei 5pm tiang



- zan ah



Tuan a herh zat suimilam ning in na tuan khawh lawngah rian na ot ding a si.



A dang a biapimi thil pawl caah na tuan hnga dingmi suimilam kha a hnorsuan khawh:

- chungkhar caah




- fimcawnnak lei bia i khiahnak
 - na herhmi rian cawnnak
 - kai na herhmi cawnnak



Thawngthanhmi tamdeuh cu A dingfelmi Rian vuapsaih (Fairwork website) ah na hmuh khawh lai.

www.fairwork.gov.au

Na hlawh chungin tangka



Zeimaw caan ahcun a biapi ngaimi thil pawl caah na hlawh chungin tangka cu zuhpiak a si.

Hihi pawl cu zuhmi tiah auh a si.



Zuhmi pawl cu hihi ca ah an tuah kho:

- ngunkhuai – Acozah pek na haumi tangka




- riantuantu bu chungtel na si ahcun, cu bu ca ah thawh dingmi



- a dang thathnemnak a chuahpi pawl tuahnak



Riantuan hram naa thawk tikah na riantuan piakmi minung kha an in zuh dingmi pawl kong kha hal hna.



Na pek hnga dingmi pawl asilole innhlan man caah pek ding tangka zuhpiak ding zong naa thim khawh.

Upattuk Cang Ruang I Rian in Dinhternak



Pensen caah khonmi tangka cu rian in naa din tikah khuasaknak dingah tangka khonnak lam pakhat a si.



Riantuannak in i dinh cu minung caah a si tawnmi a si ko – kum 65 hrawng an si tikah.



Aho rian a ngeimi paoh ngawt in pesen caah tangka khonnak ah pehtlaihnak an ngei hrim cio.

Upadi ning in, rian na tuannak nih pensen ca tangka khonnak ah an in pekpiak lengmang a herh.



Na duh ahcun pensen ca i tangka khonnak ah tangka tam deuh zong na chiah khawh.



Pensen ca i tangka khonnak kong tamdeuh thawngthanhnak cu Australia Ngunkhuai Zung le Tangkakhonnak vuapsaih (Australian Taxation Office and Moneysmart) ah na hmuh khawh lai.

- www.ato.gov.au/super/
- www.moneysmart.gov.au/superannuation-and-retirement

Riantuannak hmun ah ngandamnak le himnak



Ramkulh le ramthen cio nih riantuannak hmun ah rian a tuan liomi minung himnak lei upadi an ngei cio dih.

Cu upadi pawl ah aa telmi cu:



- na herh tikah na hman khawh dingmi nangmah bawmh khotu a himmi riantuannak hmunhma peknak



- a him lomi thil kong kha nangmah cawnpiaknak



- riantuannak hmun na um lio ah ngandam tein nangmah umter nak



- ngandamnak le himnak kong tampi a hngalmi zung riantuantu nih midang kha a bawmh khawh hna



Rian na tuannak hmun i ngandamnak le himnak kong zultphung pawl na zult a herh.

Na tuah hnga dingmi:



- haotu pawl nih tuah ding an in fialmi kha tuah



- himnak an petu ding thilthuam i hruk



- na cawlcanghnak nih nangmah asilole hawi dang fahnak pek lo dingin tha tein tuah



Thawngthanhmi tamdeuh cu Ahimmi Rian vuapsaih (Safework website) ah na hmuh khawh.

www.safeworkaustralia.gov.au

Hi ka a lonnak cahmai hi cu nganh ta hramhrammi a si



Australian Government
Department of Social Services

Mipeem Caah Tuantu Ramkip Huap Phu
nih Australian Cozah Zatlant Bawmhnak
Phu ai-awh in a cawnpiak hna

